



Future-proofing our children

Sikolo sa la Sunda – Sitopa sa Bulalu

Toho ya Tuto

Liñungwa

Buka ya Bashemi

Sikolo sa la Sunda sa mwa Malapa



Balatiwa Bashemi

Mu amuhelwa kwa tuto ya “**Liňungwa**” ya Sikolo sa la Sunda Sitopa sa Bulalu.

Pampili ye, i mi tusa hanyinyani ka mo, muswanela ku fela tuto ye:

Mukwa mo muswanela ku itukiseza ni fa tuto ye ka ona

Ze tatama ki zeñwi zeo mu swanela ku ezeza mwa ku itukiseza ni ku fela tuto ye.

Muhato	Kezo
1.	Mu kene fa likepe la Keleke Yenca ya Baapositola, ka ku sebelisa likepe le fa WhatsApp: https://bit.ly/3NACSSHS
2.	Mu be ni lisebeliso ze tatama kuli mu kone ku tukiseza kufa hande tuto: • Bibe • Ma pampili a likisizwe kale a tuto ye. • Buka mwa sebeleza mwanana, lipotoloto ni lipendiso za banana, ni zeñwi cwalo. • Video ye lukisizwe, ye kona ku sebeliswa ku ekeza fahalimw’a tuto (ha ku konahala) • Katekisma ni buka ya lipuzo ni likalabo (Kwa banana ba bali mwa litopa za Tiisezo) Mamela: 2.1: Nako yende ya ku fa tuto ki la Sunda ka kusanani, kasamulaho a sebelezo, sina banana ha ba fiwanga lituto ka nako yeo. 2.2. Mu kupiwa ku eza tuto ye bukuswani ha ku konahala, ka ku hupula nakonyana yeo banana ba kona ku teezeza ni ku utwisisa hande. (Mu si ke mwa bulela ze sa amani ni tuto) ya mwanana – Mina ki mina mu ziba hahulu mwan’a mina ni ku fita. <i>Ka mulao, Sikolo sa la Sunda ha si swaneli ku fitelela mizuzu ye mashumi a mane ka ye ketalizoho (45 minutes).</i> 2.3: Lituto li kauhanyizwe ka litopa (Sikolo sa la Sunda, Lituto za Bibe ni Tiisezo - SS1, RI1 or Confirmation). 2.4: Mulizeze kapa ku ikopanya ni muluti wa ba Sikolo sa la Sunda ha mu tokwa tuso kwa lisebeliso ze bulezwi.
3.	Mu lapele (Mu bone tapelo ye ñozwi, kwa mafelelezo) mi mu kupe Mulimu kuli ami eze sisebeliso mwa ku fa tuto ye, ka mwa latela Yena.



Mu fe tuto ya Sikolo sa la Sunda mwa Malapa

Mukwa mo muswanela ku itukiseza ni fa tuto ye ka ona

Lu zwela pili ku mifa mikwa, yeo muswanela ku itukiseza ni ku fa tuto ye.

Muhato	Kezo
4.	Mu eze sibaka sa tuto ku ba se si inzi hande (ku si na lilata) foo mina ni mwanana mu ba ni ni buino bo buswana. <i>Ka mutala:</i> Mu ine fa lishasha/ fa museme kapa fa lipula ku potoha tafule
5.	Mu bale tuto ye lukisizwe. Mu kutele ku ibala hape kuli mu iutwisise hande. Mu buhe video ya tuto ku li mu be ni kutwisiso hande ya tuto.
6.	Mu ñole tuñusanyana twa butokwa to mu bata ku hupula ha mu fa tuto.
7.	Mu utwisise butokwa bwa tuto, yeo mwanana a swanezi ku mamela ni ku sa libala.
8.	Mu fe mwan'a mina tuto ye, ka ku mu kandekela likande la tuto. Mu ko na ni haiba ku mu balela likande le ha mu tabela.
9.	Mu supeze mwan'a mina video, mi muketele butokwa mwa tuto ye.
10.	Mu bulelele ni ku susuweza mwan'a mina kuli a eze musebezi o mwa buka ya hae, ya Sikolo sa la Sunda.
11.	Mu lapele kapa mu kupe mwanana kuli a lapele kaku kwala tuto.

Lisebeliso ze fumaneha ku amana in Sikolo sa mwa Malapa

Ze tatama ki lisebeliso ze kona ku ekeza ni ku tiiseza butokwa bwa tuto:

1. Mu eze likepe la WhatsApp la ku ikambota tuto ye ni mabasi a mañwi a Tiisezo.
2. Mu ambole ni bashemi ba bañwi kuli mube ni kutwisiso ku amana ni tuto pili mu si ka ifa kale ku mwan'a mina.
3. Mu be ba ba lukuluhile, ku batisisa litaba zeñwi ku amana tuto ye.



Tuto

Toho ya Tuto	Liňungwa
Timana	Mareka 4: 35-41 ni Mateu 8: 23-27
Mutomo/butokwa bwa Tuto	Banana ba lemuha kuli Jesu ki Mwan'a Mulimu. U na ni maata mwa lihalimu ni mwa lifasi, mi h'a inzi ni luna, ha lu swaneli ku saba.

Kusufazo ya Tuto:

- Ko kaufela Jesu na liba teñi, buñata ne ba mu latelela ku teezeza kwa tuto ya Hae. Buñata ne ba taha ku tokwa ku foliswa.
- Lizazi le liñwi, kasamulaho wa ku ba luta, Jesu a bulelela balutiwa ba Hae ali, "A lu silele mwabuse bwa Galilea."
- Ba lisela buñata, ba longana mwa sisepe, mi Jesu n'a s'a longani kale, ba funduka.
- Ne ku kuzize ha ba fuula sisepe, mi Jesu na katezi. Mi Yena n'a inzi mwa litusi la kwapili, a lobezi buloko fa musamo.
- Cwale kwa zuha liňungwa le lituna, mi mandinda a kena mwa sisepe, mane ne si tala mezi. Mezi a kena mwa sisepe kuli mane sa bata ku tiba.
- Jesu n'a inzi kwa litusi la kwapili, a lobezi buloko. Balutiwa ba Hae ba mu zusa, ba li, "Mulena, ha u tokomeli niha lu shwa?" Jesu kih'a zuha mi a utwa moya ni liňungwa, a ba buza a li: "Kiñi ha mu sabile?"
- Jesu a yema a kuzisa moya, mi a bulelela liwate, a li: "Kuza, u li tu!" Mi moya wa yema, mi kw a taha ku omba kokutuna. Jesu kih'a li kwa balutiwa ba Hae: "Kiñi ha mu sabile? Mu sa palelwa ku lumela ni ka nako ye nji?"
- Balutiwa kiha ba saba hahulu, mi ba komoka maata a Jesu, mi ba bulelelana, ba li: "Yo ki mañi, kuli mane moya ni liwate li mu utwe?"



Kanti tuto ye italusa sikamañi ku luna kacenu?

- Jesu ki Mwan'a Mulimu, mi ku Yena lika **KAUFELA** za konahala. U na ni maata fahalimw'a lihalimu ni lifasi.
- Ha lu li mwa nako yetata, mañungwa a bupilo, ha lu swaneli ku saba, kakuli Jesu u na ni luna, mi u ka lu tusa. U ka kuzisa mañungwa a bupilo bwa luna.
- Kamita lu be ni tumelo mi lu sepe Mulimu, ni ha lu li mwa ñalelwa.

Mamela, tumelo ha ki ku kupa Mulimu ku kuzisa liñungwa, tumelo ki ku sepa Mulimu ku ku tusa mwa ñalelwa. U lumele feela ku Mulimu!

Zeñwi za lipuzo zeo lu kona ku buza:

1. Kiñi balutiwa ha ne ba saba ka nako ya liñungwa?

Kalabo: Mezi n'a kena mwa sisepe, mi ne ba hupula kuli ba ka shwa, ne ba sina tumelo.

2. Jesu n'a ezañi ka nako ya liñungwa?

Kalabo: N'a lobezi.

3. Kanti balutiwa ne ba ezizeñi Jesu a mano kuzisa liñungwa?

Kalabo: Ba saba hahulu mi ba komoka maata a Jesu, mi ba bulelelana kuli kanti ki mañi.

Tapelo ye fiwa pili tuto isi ka tateka:

*Mulimu ya lateha. Lwa itumela kwa lizazi la kacenu.
Tusa kuli lukone ku lemuha ku bateñi kwa Hao Fuyola tuto ye lu ka ba ni yona,
Lu cale peu yende ka bunde bwa bupilo bwa luna.
Lumeleza feela bunde ku mela mwa lipilu za luna.
Luma Jesu a to lunga,
Mi u lu tuse ku itukiselize ku mukatanyeza
Mwa libizo la Jesu lwa lapela.
Amen*

Tapelo kasamulaho wa tuto:

Ndate ya mwa lihalimu, Lwa itumela kakuli u lu silelelize kacenu, ni kuli ha kuna kozi ye bile teñi ha ne lu itabisa ka lipapali. Lwa kupa u lu lumeleze ku pumula hande busihu bo ni ku ba ni lizazi le linde kamuso. Na kupa ni tuse mwa mañungwa aka a bupilo, mi ni ku sepe kamita, kakuli u kona ku eza lika kaufela. Kamita u be ni me ni ndate. Fuyola Muapositola yo Muhulu, Baapositola ni baeteleli ba keleke kaufela, mi u ba sileleze mwa misipili ya bona. Na kupa u tuse bana ba Hao kaufela, sihulu ba ba kula. Taha kapili u lu ngele kwa hae. Mwa libizo la Jesu. Amen.